

桂東縣志

桂東縣志

桂東縣志卷之三

建置志

城池

公署

壇廟

橋渡

亭路附

陂堰

養濟所

官山

義塚附

事神治民政之鉅也爲治者雖重力役而亦不
廢興作城池以固圉公署以臨民壇廟以崇祀
濟往來則有橋渡亭路利溥洩則有陂堰而窮
民之無告者有養濟所有官山義塚使之養生
送死無憾蓋猶是以任以富以生之政也綜而
紀之數百年官司經度之善士庶好義之誠於

建置得其概云

城池

縣治在鳳臺山之麓自宋嘉定四年設邑宜一都
未建城明洪武元年移於今治城亦未建成化七
年贛州都御史吳琛檄築土城閩廣流寇頻擾正
德二年邑令王閏集三門人戶分八甲東門人築
德勝田螺二寨南門人築楊梅寨西門人築連珠
寨各鄉村皆築寨自保九年贛州都御史王守仁
飭兵備道程杲邑令余達易以石至十一年完工

城週一百六十餘丈串樓二百六十間城下浚濠
嘉靖十四年陳令席珍復築東西南三門月城樓
三座東右文門南煥文門西靖武門崇禎十五年
獻賊遣姜維新攻城城塌樓燬繼遭紅寇屠掠盡
爲荆礫矣

國朝順治十年經畧內院洪承疇討平汪令震元招
徠遺民六十有三丁相與伐木爲柵每季修理越
數年流亡復集民氣漸甦仿故址徵役廂都易木
柵而磚石之規模畧具康熙二十五年何令喬雲

撫字生聚戶口日增捐俸爲里民倡按里甲分修
週圍一百一十五步計一里零三分高一丈六尺
基厚一丈二尺女牆二百六十六門仍三改南曰
楚觀東曰望日西仍曰靖武門上築城樓三座東
南北三面垛口延城浚濠繞濠有街東西南自門
至濠外大街均濶五弓北自高樓城脚至街亦五
弓繕修完固煥然改觀日久西北山水衝洗東南
濠沙土填塞隨時浚決今如舊
舊志論曰設險所以守國城池之廣狹雖不同所

以捍衛黎元則一也桂邑四面皆山界連江廣
林谷幽邃在在叵測崇墉深溝猶恐不足恃况
以叢爾隍塹週特一里高僅數仞西北枕山偏
瞰城中一覽無遺其可藉以爲守與莅斯土者
居恒惟嚴保甲謹鄉團備器械時簡閱有事則
率官兵民壯以戰爲守庶足固吾圉彼閩廣之
流寇侵擾萬陽之紅賊竊發往事可鑒焉有備
無患司牧者固未可視爲緩圖也

公署

縣治自明洪武初胡令視遠移建鳳皇山之麓創
大堂一座左爲捕廳右爲庫爲龍亭爲獄兩翼爲
六房堂之前左右爲報亭甬道中爲戒石亭前爲
儀門爲更鼓樓儀門外右爲寅賓館左爲土地祠
又前爲頭門門外左爲旌善亭右爲申明亭當面
爲照壁左爲承流坊右爲宣化坊照壁後有哨守
廳均遭燬

國初汪令震元重建大堂張令希召增二堂三堂樓
一座朱令霞建內書房并六房辦事屋五間及頭

門嗣是李令世仁何令喬雲邵令元龍湯令自超
疊加修葺垂今近二百載其頭門內分司廨門外
稅課局久奉裁

大堂一座

汪令震元聯云邑苦民殘無善政官閒
事簡好吟詩李令世仁修之額曰親民

堂中爲暖閣洪令鍾聯云伸手接枉法錢何以
爲民之父母蒙面作惡心事也須念我有兒孫
乾隆丙寅周令泰刊守道憲李慎修官箴於匾
有云民情頽憫莫起忿嫉之心案牘糾纏莫滋
厭煩之意持之以平心和氣雖狡如山鬼亦自
輸誠處之以詳慎從容雖勞若亂絲終當就緒

寅賓館

在大堂左乾隆二十三年
移建承發房之下屋三間

帑庫

在大堂
右一間

建置

公署

左翼

吏戶禮糧承發共五間在寅賓館之上

右翼

兵刑工共三間接帑庫下

上諭牌坊

一座在大堂前甬道中

戒石亭

在儀門內甬道中形家謂縣治于山似虎不便於官民建此以制之乾隆二十年張

令為獲重修

儀門

一座康熙二十五年何令喬雲聯云戶口甚凋殘羞稱父母民風雖樸邀要讀詩書

土地祠

在儀門左側

監獄

二間在儀門右側

頭門

一座左右廂房各一間

照壁

一座高一丈四尺長二丈厚二尺八寸

內署高樓一座

樓二層左右廂房各一間

三堂

右廂房二間

娘娘祠

在三堂右角舊勅封祀昭武袁氏夫人

二堂

左門房二間右小房二間火房一間

深靜堂

邵令元龍建今廢

西書房

前三間左右廂房各一間邑令賈倫聯云戶外有名山鳳嶺龍巖獅子洞眼前多好

景仙梅官桂大夫

西廳事

四間在西書房後邑令焦岐建木石渾堅軒檻明爽峯齋入戶花竹繞庭為署中靜

息之所邑令沈杏洲顏曰仍軒於後依山築亭
榜曰竹岸邑令丁淑鑑又名其軒曰雙桂十竹

山房與賓佐賦
詩刻石廊左

總舖廳

在照壁後共三間卽哨守廳故址
左至李姓祠右至通縣界牌止

計北自高樓下直抵照壁長六十六弓自捕衙

後園至西城腳三十五弓

捕署在縣頭門內從左路入寇燬後邑周王錦修

大堂

左右廂房
各二間

儀門

左土地祠一間
右皂班房二間

內衙一棟

屋三
間

娘娘祠 在後衙左側亦祀袁氏夫人

後衙一棟

計北自城腳直抵照壁外二十六弓東自學園

圍牆西至縣堂側二十三弓

教諭署 在明倫堂後嘉慶十四年闔邑紳士重建

前後二棟左側屋二間兩廊渡水左右各一間

訓導署 舊在東門外老儒學前前後二棟左右各有廂房一間中有沙墀墀外儀門一座康熙五十三年移學宮於城內縣左而訓導署未

移乾隆十一年雨圯乃僦居民屋二十九年柴令瀚儒學鄧世讓劉漢猷同合邑紳士以舊學基售於胡李冉得價復捐資購地建於東門內

道光十一年奉裁嗣

奉估價解繳藩庫

巡檢署

高分司巡檢康熙六年奉裁解廢

陰陽學

在城隍祠左嘉靖年邑合周鳳鳴建今廢

醫學

在關帝廟左正統年邑合范忠建今廢

僧會司

舊在興福寺今廢

道會司

失所

萬壽宮

並建訓導署於左側凡兩棟前為照壁屋左右餘地為園北倚城垣

壇廟

風雲雷雨壇

在城東觀前先農祠左側累石築土為壇高二尺方一丈繚以垣牆其界址直

六弓半橫過
共三十五弓

山川社稷壇

在城西大楊梅寨下火神祠前壇高二尺方九尺繚以垣牆其界址直下一十

六弓至路上橫二十弓
至白雲軒園屋腳止

雩祭壇

即祀於風雲雷雨壇

先農壇

在東門外觀前雍正四年建其界址直下十二弓至東壇腳止壇後橫過三十七弓路

下田二坵橫寬五
弓直下二十八弓

厲壇

在城西山川壇致祭

鄉厲壇

明洪武八年命
每里建今圯

關帝廟

明洪武初建於宣明坊西正統四年范令忠
遷今地城南關下街尾正德四年邑人黃體

建置

壇廟

七

常等募修有碑乾隆四十九年首事黃剛性等募修戲臺一座其後截右角地基係郭佑堅捐嘉慶十四年傳令鵬飛率合邑紳士因舊址而廟大之中為聖殿翼以兩廊為門三門之外為柵欄後設三代神位後樓為觀音閣左為三聖祠右為財神祠再右為任持屋四間

文昌廟

乾隆五十七年沈令杏洲率紳士黃光昌郭聯鳳等募建於忠孝祠左側係學宮右邊

嘉慶九年改建

文廟於舊址移文昌廟於

學署後之右

聖廟後之左棟宇巍峩亭堦宏

廠有碑張世衍捐四都東水中龍王祠地名塘口門口路下田租五石五斗為奉祀香燈之費

龍王廟

在城東紫霞觀內右側其廟址橫六弓直十九弓

乾元宮

舊稱祝融廟在城西社稷壇後界址直十弓橫五弓右邊園一至路左邊園一至高勘牆

後至山勘止以上二廟俱乾隆十九年邑令張為發建咸豐元年移建城西門外城隍廟後左

側

劉猛將軍廟

祀乾元宮殿左

城隍廟

在城外西南角後棟三間左右耳房一前為廟為亭為碑為歌臺左翼自街以內並街外

店半間右翼廂房並西北角園一所廟後橫過十二弓左丁字街直出至大街止二十六弓廟

門內中截十四弓半門前大街九弓牧地祀租八石七斗

財神廟

在關帝廟崇聖祠左側

三閭祠

通志在城南半里許渥江岸瀾與牧地對祠宇荒塌遺址存

三侯祠

有二俗稱三聖郴州舊志載漢高祖遣安國侯王陵絳侯周勃舞陽侯樊噲至郴為義帝

發喪後人義之因祀焉一在城內東北隅明洪武二年邑人建何朝英施鐘一有記界址前後